



La vièla de ròda

Granda familha : Instruments de còrdas

Pichona familha : Còrdas fretadas

Talha : mai o mens 70 cm


Matèrias : bois, decoracions de nacre, d'ebèn, eca.

Origina geografica :

■ Lemosin


■ Auvèrnha

■ Gasconha



Repertòri : aires a dançar (borrèias, congòs, rondèus, valsas, eca.)

ORGANOLOGIA



LEXIC

Bordons : nom de las còrdas qu'acompanhan la melodia per una nòta continua.

Cantarèlas : nom de las doas còrdas que passan pel clavièr e que jògan la melodia.

Can : pichona pèça de fusta que se pòt utilizar per far un bordon que sembla un cant de cigala.

Rondèu : dança de Gasconha plan anciana.

Sautarèls : pichonas pèças de fusta que quichan sus las còrdas quand una tòca del clavièr es accionada. Aquò fa de nòtas coma o fan los dets sul marge d'un violon.

Cossí funciona ?

Amb la manivèla, lo musicaire vira la ròda pendent que jòga amb la man esquèrra la melodia sus las tòcas del clavièr. Atal, la ròda freta las còrdas que se meton a vibrar.

O sabes ?
Lo bordon que passa pel can s'apèla la «cigala» o la «trompeta».